



Communicaziun a las medias

La turnea «Sin il viv!» va a Turitg

Cuir, ils 19-02-2018 – **Per il giubileum da 25 onns *Impuls* preschenta Radiotelevision Svizra Rumantscha (RTR) ensemen cun la Lia Rumantscha (LR) la turnea da lectura «Sin il viv!». Suenter l'emprima lectura en la Garascha Oberalp a Sedrun, suonda ussa la segunda a Turitg. Romana Ganzoni, Chatrina Josty, Carlo Beer e Benedetto Vigne prelegian dumengia, ils 25 da favrer 2018 a las 16:00 en l'agentura Geyst a Turitg.**

Da bars sombras, dad andas ed auters utschels en la citad, dal lai e da la generaziun Y ch'è stgarpada tranter mund urban e mal da muntogna. Da quai raquintan ils *Impuls* che Romana Ganzoni, Chatrina Josty, Carlo Beer e Benedetto Vigne vegnan a preleger en l'agentura Geyst la fin da favrer.

Flurina Badel, redactura *Impuls*: *“Impuls quai è litteratura al Radio Rumantsch - mintga di dapi 1993! Impuls en texts curts cun nota persunala da las auturas e dals auturs che raquintan e reflecteschan ils misteris dal mintgadi.”*

Perquai envidan RTR e la LR a tadlar ils *Impuls* prelegids live - là nua ch'els vegnan uschiglio er tadlads. En lieus dal mintgadi da las auditoras e das auditurs da radio. Pia en stivas e stallas, en lavuratori ed en ierts. Mintgamai quatter auturas ed auturs prelegian novischems *Impuls* anc mai publicgads, ma era da quels ch'èn vegnids scrits gia avant onns aposta per la rubrica *Impuls* dal Radio Rumantsch.

La terza lectura da «Sin il viv!» ha alura lieu ils 3 da zercladur 2018 a las 16:30, en la scrinaria Uffer a Savognin. La turnea è publica, l'entrada libra.

Datas da la turnea “Sin il viv!”

dumengia, ils 25-02-2018, 16:00, agentura Geyst SA, Turitg
dumengia, ils 03-06-2018, 16:30, scrinaria Uffer SA, Savognin
dumengia, ils 29-07-2018, 16:30, iert da la Chasa Torel, Guarda
dumengia, ils 26-08-2018, 16:30, stalla Casanova, Lumbrein
dumengia, ils 07-10-2018, 16:00, stiva da la Chasa Gianzun, Schlarigna
dumengia, ils 04-11-2018, coiffeur Haaratelier, Domat

Dapli infurmaziuns

Radiotelevision Svizra Rumantscha, Via da Masans 2, 7000 Cuir
Tamara Deflorin, scheffa communicaziun, tel. 081 255 75 09, tamara.deflorin@rtr.ch